



Broj: 02-05-13600-1/13
Sarajevo, 16.05.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **22.** sjednici održanoj 16.05.2013. godine, donijela je sljedeći

Z A K L J U Č A K

1. Utvrđuje se Prijedlog zakona o izmjenama i dopunama Zakona o nabavljanju, držanju i nošenju oružja i municije.
2. Predlaže se Skupštini Kantona Sarajevo da u skladu sa odredbama čl. 159. do 163. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst) doneše Zakon iz tačke 1. ovog Zaključka po hitnom postupku.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. stav (1) tačka b) Ustava Kantona Sarajevo („Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici _____ održanoj _____ godine, donijela je

ZAKON O IZMJENAMA I DOPUNAMA ZAKONA O NABAVLJANJU, DRŽANJU I NOŠENJU ORUŽJA I MUNICIJE

Član 1.

U Zakonu o nabavljanju, držanju i nošenju oružja i municije („Službene novine Kantona Sarajevo“, br. 38/07, 43/08, 11/10 i 23/10) (u daljem tekstu: Zakon) u članu 4. stav (3) mijenja se i glasi:

„(3) Vazdušno oružje je svaka naprava sa cijevi, bilo da je izolučena bilo glatka, koja je namijenjena izbacivanju metalnog ili nekog drugog čvrstog projektila pod pritiskom gasa načinjenog kompresijom mehaničke naprave, osim produkata sagorijevanja – baruta ili neke druge materije, čiji je kalibar veći od 4.5mm i čija energija prelazi 8J za cijevi kraće od 30cm i 16J za cijevi duže od 30cm. Vazdušne puške, pištolji, revolveri i druge naprave koje imaju kalibar i energiju do navedenog limita i ne rade u automatskom režimu se ne smatraju oružjem već sportskim rekvizitima.

Iza stava (3) dodaje se novi stav (4) koji glasi:

“(4) Izuzetno od stava (3) ovog člana, airsoft i paintball naprave su puške i pištolji, odnosno sportski rekviziti namjenjeni izbacivanju plastičnih, gumenih ili želatinoznih projektila na isti način kao i vazdušno oružje s tim da mogu imati veći kalibar od navedenog i mogu raditi u automatskom režimu, s tim da energija projektila mora biti manja od energije navedene za vazdušno oružje.“

Dosadašnji st. (4), (5) i (6) postaju st. (5), (6) i (7).

Član 2.

U članu (7) tačka c) mijenja se i glasi:

„c) trofejno oružje je vatreno i vazdušno oružje koje se čuva kao uspomena ranijeg perioda historije Bosne i Hercegovine, ili za njegovog vlasnika predstavlja ličnu ili porodičnu uspomenu, a koje je od strane ovlaštene organizacije ili ovlaštenog pojedinca trajno onesposobljeno za upotrebu;“

Tačka d) mijenja se i glasi:

„d) staro oružje su duge i kratke puške, kubure i druge vrste oružja za koje se više ne proizvodi municija, koje imaju historijsku ili umjetničku vrijednost ili služi za umjetničke, kulturne i druge slične priredbe, ili čini sastavni dio narodne nošnje,“

Dosadašnje tač. od a) do k) postaju tač. od 1) do 11).

Iza tačke 11) dodaju se nove tač. od 12) do 29) koje glase:

3. promet oružja i municije je nabavljanje oružja i municije radi prodaje, smještaja i čuvanja u svrhu prodaje, te njegova prodaja na malo i veliko u Kantonu Sarajevo,
4. dugocijevno vatreno oružje je oružje kod kojeg je cijev duža od 30 cm ili je njegova ukupna dužina veća od 60 cm,
5. oružje za jedinačnu paljbu je oružje bez spremnika (magacina), koje se svaki put prije ispavljivanja metka puni ručno,
6. municija bez projektila je ona municija kojom se postiže zvučni i eventualno vizuelni efekat pucanja, a koja ne sadrži nadražujuće materije,
7. električni paralizator je ručna naprava koja privremeno onesposobljava lice pomoću visokog električnog napona,
8. registracija oružja je unos podataka o oružju i vlasniku, odnosno korisniku oružja u službene evidencije propisane Zakonom, kao i propisima donijetim na osnovu **istog**, uz izdavanje odgovarajuće isprave,
9. vlasnik oružja je fizičko ili pravno lice kome je izdata odgovarajuća isprava o oružju,
10. zajednički korisnici oružja su lica koja koriste jedno isto lovačko ili sportsko oružje,
11. civilno strelište je otvoreni objekat ili zatvoreni objekat (streljana) i oba su namijenjena sportskom ili rekreativnom gađanju i edukaciji koji ispunjavaju tehničke i sigurnosne uvjete za upotrebu registrovanog ili prijavljenog oružja,
12. onesposobljavanje vatrenog oružja je onesposobljavanje svih bitnih dijelova oružja na način da njihovim uklanjanjem, zamjenom ili izmjenom ne može biti omogućeno njegovo osposobljavanje,
13. ovlašteni trgovac oružjem je pravno lice ili obrtnik koji posjeduje odobrenje nadležnog organa za bavljenje prometom oružja i municije,
14. prenošenje oružja je premještanje oružja za koje je izdat oružni list, s jednog mjesto na drugo u kontejneru i odvojeno od municije,
15. sakupljanje starog oružja smatra se sakupljanje tri ili više komada starog oružja,
16. popravljanje oružja je otklanjanje kvarova na oružju i zamjena ili ugradnja originalnih dijelova,
17. prepravljanje oružja je prilagođavanje oružja drugoj municiji, zamjena ili ugradnja bitnih dijelova oružja i drugi zahvati na oružju kojima se utiče na njegovo funkcionisanje ili na tehnička svojstva,
18. posebna oprema za oružje je svaki mehanizam namijenjen kao dodatak za osnovni model oružja, čijom primjenom se mijenjaju mogućnosti kod upotrebe oružja, osim optičkog nišana,
19. replike su predmeti načinjeni na način da svojim izgledom asociraju na stvarno vatreno oružje, puške ili pištolje, sa ili bez funkcionalnostima karakterističnim za stvarna oružja i/ili zvučnim i svjetlosnim efektima (pucanj, bljesak), sa mogućnošću repetiranja, poluautomatskog rada zasnovanog na energiji komprimiranog gasa ili energiji nastaloj sagorijevanjem u mecima bez projektila i
20. airsoft i paintball puške i pištolji spadaju u naprave koje se koriste u sportske svrhe i koje kroz cijev izbacuju čvrste plastične, gumene ili želatinozne kuglice namjenjene obilježavanju pri udaru u prepreku.

Član 3.

U članu 8. stav (3) u četvrtom redu riječi: „sa preuzetim dijelovima postupit će u smislu odredaba člana 39. ovog Zakona“ zamjenjuju se riječima: „preuzeti dijelovi će se uništiti.“

Član 4.

U članu 11. stav (3) mijenja se i glasi:

„(3) Municipija za puške sa neolučenim cijevima može se nabavljati na osnovu oružnog lista izdatog za to oružje, a za vazdušno oružje na osnovu članstva u sportskoj streljačkoj organizaciji koja je registrovana na području Kantona Sarajevo.“

U stavu (6) riječ: „zahtjev“ zamjenjuje se s riječima: „osnovu rješenja“ i dodaje se nova rečenica koja glasi: „U rješenju kojim se lice upućuje na kontrolni ljekarski pregled, nadležna policijska uprava odredit će rok za dostavljanje dokaza o ispunjavanju uvjeta u pogledu zdravstvene sposobnosti za držanje i nošenje oružja koji ne može biti kraći od 30 dana niti duži od 90 dana.“

U stavu (9) iza riječi: "stava (8)" dodaju se riječi: "i rješenja iz stava (6)".

Član 5.

Član 12. mijenja se i glasi:

„Član 12. (Trofejno oružje)

- (1) Držanje vatretnog ili vazdušnog trofejnog oružja potrebno je prijaviti nadležnoj policijskoj upravi koja će o tome voditi odgovarajuću evidenciju.
- (2) Zabranjeno je nošenje ili upotrebljavanje oružja iz stava (1) ovog člana.“

Član 6.

Član 13. mijenja se i glasi:

„Član 13. (Staro oružje)

- (1) Staro oružje može se nabaviti, držati i nositi bez odobrenja i oružnog lista.
- (2) Zabranjeno je upotrebljavati oružje iz stava (1) ovog člana kao oružje i za njega posjedovati municipiju.
- (3) Vlasnik starog oružja dužan je isto prijaviti nadležnoj policijskoj upravi koja će o tome voditi odgovarajuću evidenciju.“

Član 7.

U članu 14. dodaje se novi stav (7) koji glasi:

„(7) Vlasnik oružja iz stava (1) ovog člana dužan je prijaviti nadležnoj policijskoj upravi otuđenje,
nestanak ili gubljenje istog odmah, a nakasnije u roku od 10 dana od dana otuđenja,
nestanka
ili gubljenja, odnosno od dana kada je saznao za otuđenje, nestanak ili gubljenje.“

Član 8.

U članu 15. stav (2) u drugom redu iza riječi: „prijaviti“ dodaju se riječi: „nadležnoj policijskoj upravi.“

Član 9.

U članu 19. stav (1) na kraju rečenice, iza riječi: „oružja“ stavlja se zarez i dodaju riječi:
„ukoliko Zakon propisuje izdavanje odobrenja za tu vrstu oružja.“

Iza stava (3) dodaje se novi stav (4) koji glasi:

„(4) Vlasnik oružja iz člana 14. Zakona koji je prenio pravo svojine na oružje dužan je odmah,
a
najkasnije u roku od osam dana, obavijestiti nadležnu policijsku upravu i priložiti dokaz
o
izvršenom prenosu vlasništva.“

Član 10.

U članu 20. stav (1) na kraju rečenice briše se tačka i dodaju riječi: „i ukoliko to nije u
suprotnosti sa interesima javnog reda i mira, odnosno interesima bezbjednosti iz člana 22.
Zakona“.

U stavu (2) tačka d) iza riječi: „vodi“ dodaju se riječi: „istraga ili“.

Član 11.

U članu 25. st. (1) i (3) u zadnjem redu iza riječi: „tačka a)“ dodaju se riječi: „ i ukoliko je
njegovo posjedovanje u suprotnosti s interesima javnog reda i mira, odnosno interesima
bezbjednosti iz člana 22.“

Član 12.

U članu 29. stav (2) mijenja se i glasi:

„(2) Lovačko i sportsko oružje može se davati na poslugu fizičkom licu koje ima oružni list za
tu
vrstu oružja, a vazdušno oružje se može davati na poslugu fizičkom licu koje je član
sportske

streljačke organizacije registrovane na području Kantona Sarajevo, kao i u slučajevima propisanim u čl. 32. i 33. Zakona.“

Član 13.

U članu 38. stav (2) na kraju rečenice briše se tačka i dodaju riječi: „i isto će se uništiti“.

Član 14.

U članu 39. "stav (2)", briše se.

U stavu (3) skraćenica „st.“ zamjenjuje se riječju: „stav“, a riječi: „i (2)“ brišu se, Dosadašnji st. (3) i (4) postaju st. (2) i (3).

Član 15.

U članu 41. stav (1) u trećem redu skraćenica "st." zamjenjuje se riječju "stav", a riječi "i (2)" brišu se.

Član 16.

U članu 42. stav (1) u zadnjem redu, riječi: „uz odobrenje nadležnog organa“ zamjenjuju se rijećima: „u skladu sa zakonom.“

Član 17.

U članu 43. stav (3) mijenja se i glasi:

„(3) Pravna lica iz člana 42. Zakona mogu fizičkim licima, koja imaju oružni list za lovačko oružje
sa neolučenim cijevima prodavati municiju na osnovu oružnog lista koji je izdat za to oružje, a
za vazdušno oružje fizičkim licima koja imaju članstvo u sportskoj streljačkoj organizaciji
koja
je registrirana na području Kantona Sarajevo.“

Član 18.

Iza člana 49. Zakona dodaje se novi dio: „DIO ŠESTI – CIVILNA STRELIŠTA“ koji glasi:

„DIO ŠESTI – CIVILNA STRELIŠTA

Član 49a. (Uslovi za osnivanje civilnih strelišta)

(1)Civilna strelišta za obavljanje sportske djelatnosti (u dalnjem tekstu: civilna strelišta) mogu osnovati pravna i fizička lica pod uslovima propisanim ovim Zakonom, nakon što za obavljanje takve djelatnosti dobiju odobrenje Ministarstva.

(2)Odredbe člana 42. stav (3) Zakona primjenjuju se na odgovarajući način i na civilna strelišta.

(3)Ministar će, na prijedlog policijskog komesara, donijeti propis o uslovima za osnivanje

civilnog strelišta, o načinu utvrđivanja uslova i sastavu posebne komisije koja će utvrditi postojanje uslova za osnivanje civilnog strelišta i vršiti nadzor nad njim.

(4) Komisiju iz stava (3) ovog člana na prijedlog policijskog komesara formira ministar, koja je dužna izvještaj utvrđenom stanju dostaviti ministru i policijskom komesaru.

Član 49b.
(Upotreba oružja na civilnom strelištu)

(1) Vatreno oružje na strelištu mogu koristiti fizička lica kojima je izdata odgovarajuća isprava o oružju.

(2) Izuzetno, fizičko lice koje ne ispunjava uslove iz stava (1) ovog člana, gađanje može izvoditi samo pod nadzorom ovlaštenog lica civilnog strelišta i isključivo s oružjem i municijom koje je vlasništvo civilnog strelišta.

(3) Članovi sportskih streljačkih organizacija, uz predočavanje odgovarajućeg dokaza o članstvu, mogu na strelištu koristiti vatreno i vazdušno oružje i municiju koji su vlasništvo sportskih streljačkih organizacija, kao i oružje i municiju koji su vlasništvo civilnog strelišta.

(4) Ovlašteno lice strelišta zabraniće pristup i izvođenje gađanja licima iz st. (1), (2) i (3) ovog člana, ako njihovo ponašanje ukazuje da su pod dejstvom alkohola, opojnih droga ili drugih omamljujućih sredstava, odnosno da su u takvom stanju da nisu u mogućnosti shvatiti značenje svog postupanja, odnosno vladati svojom voljom.

Član 49c.
(Nabavka oružja i municije za potrebe civilnog strelišta)

Pravna i fizička lica iz člana 49a. stav (1) ovog Zakona mogu nabavljati oružje i municiju radi gađanja na civilnom strelištu na načim propisan ovim Zakonom.“

Član 49d.
(Primjena odredaba)

Civilna strelišta će u roku od šest mjeseci od dana stupanja na snagu ovog Zakona, uskladiti svoj rad sa istim i propisom iz člana 49a. ovog Zakona.

Član 19.

Dosadašnji: „DIO ŠESTI, DIO SEDMI I DIO OSMI“ Zakona postaju: „DIO SEDMI, DIO OSMI I DIO DEVETI Zakona.“

Član 20.

U članu 50. u trećem redu iza riječi: „nad čuvanjem i smještajem oružja“ dodaju se riječi: „i municije“, a u zadnjem redu iza riječi: „prepravljanjem oružja,“ dodaju se riječi: „nad radom civilnih strelišta“.

Član 21.

Član 51. mijenja se i glasi:

, „Član 51. (Nadležnosti policijskih uprava u vršenju nadzora)

U vršenju nadzora iz člana 50. Zakona, ovlašteno lice nadležne policijske uprave u Upravi policije Ministarstva, ovlašteno je:

- a) pregledati skladišta oružja i municije, civilna streljšta i druge prostorije gdje se obavlja promet, popravlja, prepravlja i čuva oružje i municija, izvršiti pregled propisanih evidencijskih i ostale dokumentacije u vezi s prometom, popravljanjem i prepravljanjem ili čuvanjem oružja i municije i vođenjem civilnih streljšta,
- b) privremeno zabraniti obavljanje djelatnosti prometa i popravljanja ili prepravljanja oružja i municije, upotrebu civilnih streljšta i narediti da se utvrđene nepravilnosti otklone u određenom roku,
- c) zabraniti daljnje bavljenje prometom, popravljanjem ili prepravljanjem oružja i municije, odnosno upotrebu civilnih streljšta, ako utvrdi da su u obavljanju tih djelatnosti učinjeni teži propusti u poduzimanju zaštitnih ili drugih sigurnosnih mjera ili druge teže kažnjive radnje, ukoliko je prestao postojati neki od uslova pod kojima je odobrenje izdato ili ako se ne postupi po nalogu nadležnog organa i
- d) narediti preduzimanje i drugih propisanih mjera.“

Član 22.

Član 52. mijenja se i glasi:

, „Član 52. (Krivična djela)

- (1) Novčanom kaznom ili kaznom zatvora od šest mjeseci do tri godine kazniće se za krivično djelo:
 - a) ko bez odobrenja nabavi, drži ili nosi vatreno oružje, kada je za nabavljanje tog oružja potrebno odobrenje (član 8. st. (1), (4), (5) i (6)),
 - b) ko proda vatreno oružje pravnom ili fizičkom licu koji nemaju odobrenje za nabavljanje te vrste oružja (čl. 19. stav (1) i 43. stav (1)) i
 - c) ko drugom da pištolj ili revolver na poslugu (član 29. stav (1)) ili ko da na poslugu lovačko oružje ili sportsko vatreno oružje licu koje za tu vrstu oružja nema oružni list (član 29. stav (2)).
- (2) Ko krivično djelo iz stava (1) ovoga člana počini na javnom mjestu kazniće se kaznom zatvora od jedne do tri godine.
- (3) Za krivična djela iz st. (1) i (2) ovog člana obavezno se izriče i zaštitna mjera oduzimanja vatretnog oružja.
- (4) U izvršenju zaštitne mjere iz stava (3) ovog člana za krivično djelo iz st. (1) tač. b) i c) i (2) oduzima se oružni list, odnosno odobrenje za držanje oružja.“

Član 23.

U članu 53. stav (1) tačka b) mijenja se i glasi:

„b) ko nabavi, drži, nosi, proda ili da na poslugu vazdušno oružje ili dijelove za vazdušno oružje suprotno odredbama čl. 14. i 29. Zakona.“

U tački c) riječi: „ko skuplja staro oružje bez odobrenja (član 13. stav (2)) ili“ brišu se.

Iza tačke d) dodaju se nove tač. e) i f) koje glase:

„e) ko bez odobrenja nabavi, drži ili nosi dijelove ili municiju za vatreno oružje i
f) ko proda ili da na poslugu dijelove za vatreno oružje ili municiju pravnom ili fizičkom licu
koji nemaju odobrenje za njihovu nabavku.“

U stavu (3) iza riječi: „iz stava (2)“ dodaju se riječi: „tačka d)“.

Član 24.

U članu 54. stav (1) u tački b) riječi: „član 8. stav (10)“ zamjenjuju se riječima: „član 14. stav (2)“.

Tačka d) mijenja se i glasi:

„d) ko u propisanom roku ne prijavi držanje vatrenog ili vazdušnog trofejnog oružja ili ga nosi
ili upotrebljava (član 12.).“

Tačka e) mijenja se i glasi:

„e) ko nabavi, drži ili nosi vazdušno oružje, oružje za signalizaciju, oružje za uspavljivanje
životinja i sprej za omamljivanje ili ko u propisanom roku ne prijavi njihovo otuđenje,
nestanak ili gubljenje protivno odredbama člana 14. Zakona.“

U tački j) riječi: „stav (2)“ zamjenjuje se riječima: „st. (2) i (4)“.

Član 25.

U članu 55. stav (1) tačka a) riječi: „član 8. stav (10)“ zamjenjuju se riječima: „član 14. stav (2)“.

Član 26.

Član 57a. mijenja se i glasi:

„Član 57a.

**(Izdavanje odobrenja za dodijeljeno oružje ili municiju po osnovu važeće odluke za
oružje ili municiju za koje se može dokazati porijeklo)**

Izdavanje odobrenja za oružje ili municiju koje je dodijeljeno po osnovu nagrade ili prilikom odlaska u mirovinu, kao i za oružje ili municiju za koje se može dokazati porijeklo:

7. fizička i pravna lica koja u trenutku stupanja na snagu ovog Zakona posjeduju oružje ili municiju po osnovu važeće odluke o dodjeli vatrenog oružja ili municije po osnovu nagrade ili prilikom odlaska u mirovinu, bez obzira na datum dodjele vatrenog oružja ili municije, kao i fizička i pravna lica koja posjeduju oružje ili municiju za koje mogu

dokazati porijeklo, dužna su u roku iz člana 57b. Zakona podnijeti zahtjev za izdavanje odobrenja za nabavljanje oružja ili municije, kao i zahtjev za registraciju oružja ili municije,

8. prilikom rješavanja po zahtjevu lica iz tačke a) ovog člana primjenjuju se odredbe čl. 20., 21. i 22. Zakona i

9. ukoliko lice iz tačke a) ovog člana ne postupi u skladu sa odredbama tačke a) ovog člana, primjenit će se odredbe čl. 39. i 41. Zakona.“

Član 27.

U članu 57b. stav (1) u sedmom redu, datum: „14.12.2012.“ zamjenjuje se datumom: „30.06.2014.“

Član 28.

Iza člana 59. dodaju se novi čl. 59a. i 59b. koji glase:

„Član 59a. (Rješavanje predmeta u radu)

Postupci u predmetima primljenim u rad prije stupanja na snagu ovog Zakona nastaviti će se po odredbama istog, ukoliko su povoljnije.“

„Član 59b. (Prečišćeni tekst)

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o nabavljanju, držanju i nošenju oružja i municije.“

Član 29.

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: _____
Sarajevo, _____._____. godine

**PREDSJEDAVAJUĆA
SKUPŠTINE KANTONA SARAJEVO**

Mirjana Malić

O B R A Z L O Ž E N J E

Pravni osnov

Pravni osnov za donošenje ovog zakona sadržan je u odredbama člana 18. stav (1) tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04 i 6/13), kojim je utvrđena zakonodavna funkcija Skupštine Kantona.

Razlozi donošenja Zakona

Provođenjem Zakona o nabavljanju, držanju i nošenju oružja i municije („Službene novine Kantona Sarajevo“, br. 38/07, 43/08, 11/10 i 23/10) postignuto je niz ciljeva prvenstveno u pogledu pravnog uređenja oblasti nabavljanja, držanja i nošenja oružja i municije, a samim tim i poboljšanju stanja sigurnosti na području Kantona Sarajevo.

Međutim u dosadašnjem vremenskom periodu primjene navedenog zakona, od strane Ministarstva unutrašnjih poslova Kantona Sarajevo uočeni su određeni slučajevi, odnosno nedostaci, čije rješavanje nameće potrebu njegovih izmjena i dopuna. Naime, nakon sveobuhvatne analize kaznenih odredaba u odnosu na dosadašnju propisanu kaznu, da se zaključiti da su one neefektivne i da su za krivična djela propisana Zakonom sudovi uglavnom izricali mjeru upozorenja, odnosno uvjetnu osudu, čime očigleno nije postignuta svrha kažnjavanja da se utiče na učinitelja da ubuduće ne čini krivična djela, da se utiče na ostale da ne čine krivična djela i da se utiče na svijest građana o pogibeljnosti krivičnih djela i o pravednosti kažnjavanja učinitelja djela. Shodno navedenom, može se smatrati neophodnim da se ovim izmjenama propišu klavifikatorne okolnosti pod kojima je krivično djelo izvršeno, te da se kazna poveća i umjesto „novčane kazne ili kazne zatvora od šest mjeseci do tri godine“, propiše **kazna zatvora od jedne do tri godine za krivično djelo ko NA JAVNOM MJESTU**: bez odobrenja nabavi, drži ili nosi vatreno oružje, kada je za nabavljanje tog oružja potrebno odobrenje, ko proda vatreno oružje pravnom ili fizičkom licu koje nemaju odobrenje za nabavljanje te vrste oružja, ko drugom da pištolj ili revolver na poslugu ili ko da na poslugu lovačko oružje ili sportsko vatreno oružje licu koje za tu vrstu nema oružni list. Pored navedenog, u dijelu obrazloženja koji se odnosi na pravna rješenja navedeni su i ostali razlozi za donošenje Zakona.

Prijedlog da se Zakon doneše u hitnoj proceduri proističe iz činjenice da je zakonski rok za zamjenu starih oružnih listova istekao 14.12.2012. godine, a imajući u vidu da veliki broj građana i pored stalne medijske kampanje nije zamjenio stare oružne listove, te da se radi o veoma složenom poslu sravnjavanja evidencija imalaca oružnih listova sa njihovim prebivalištem i trenutnim boravištem i u cilju javnog interesa građana neophodno je produžiti rok do 30.06.2014. godine. Pored navedenog, a u interesu postizanja većeg stepena sigurnosti građana propisivanjem oštire kazne, odnosno kao što je već navedeno, uvođenjem klavifikatornih okolnosti upotrebe oružja na javnom mjestu, može se smatrati sasvim opravdanim da ovaj Zakon, bude donesen po hitnom postupku jer bi njegovo donošenje u redovnom postupku moglo izazvati štetne posljedice po navedene interese.

Pravna rješenja

Član 1. – U članu jedan izvršena je izmjena stava (3) člana 4. Zakona odnosno, propisana je definicija vazdušnog oružja i propisan je novi stav (4) kojim se definišu airsoft i paintball naprave, a dosadašnji st. (4), (5) i (6) postali su st. (5), (6) i (7).

Član 2. – Izmijenjene su odredbe koje se odnose na trofejno i staro oružje i zbog velikog broja odredaba koje se odnose na značenje izraza u Zakonu umjesto slova propisani su arapski brojevi

Član 3. – Iz razloga ekonomičnosti, propisano je da će se preuzeti, zamijenjeni i tehnički ispravni dijelovi vatreñog i vazdušnog oružja uništiti.

Član 4. – Izmijenjen je stav (3) člana 11. Zakona u smislu da se municija za vazdušno oružje može nabavljati na osnovu članstva u sportskoj streljačkoj organizaciji koja je registrovana na području Kantona Sarajevo jer za vazdušno oružje nije propisan oružni list, u stavu (6) umjesto riječi „zahtjev“ propisano je da nadležna policijska uprava donosi rješenje u kojem je određen rok za dostavljanje dokaza o ispunjavanju uvjeta u pogledu zdravstvene sposobnosti za držanje i nošenje oružja.

Čl. 5. i 6. – Propisuju držanje trofejnog i nabavljanje, držanje i nošenje starog oružja, u odnosu na osnovni Zakon ovim zakonom nije propisana obaveza posjedovanja odobrenja za trofejno i staro oružje, već je propisana obaveza prijavljivanja njegovog posjedovanja nadležnoj policijskoj upravi.

Član 7. – Propisuje da su vlasnici vazdušnog oružja, oružja za signalizaciju i sprejeva za omamljivanje dužni prijaviti nadležnoj policijskoj upravi otuđenje, nestanak ili gubljenje tog oružja, što Zakonom dosad nije bilo propisano.

Član 8. – Propisana je obaveza prijavljivanja nadležnoj policijskoj upravi otuđenja, nestanka ili gubljenja snajpera.

Član 9. – Propisuje da fizička i pravna lica kojima je izdato odobrenje za držanje oružja ne mogu prenijeti pravo svojine licima koja nemaju odobrenje za nabavku te vrste oružja **ukoliko Zakon propisuje izdavanje odobrenja za tu vrstu oružja** i propisan je novi stav (4) koji propisuje da je vlasnik oružja koji je prenio pravo svojine na oružje dužan najkasnije u roku od osam dana, obavijestiti nadležnu policijsku upravu i priložiti dokaz o izvršenom prenosu vlasništva, što Zakonom dosad nije bilo propisano.

Član 10. - Propisuje odredbe da će nadležna policijska uprava izdati odobrenje za nabavljanje oružja fizičkom licu **i ukoliko to nije u suprotnosti sa interesima javnog reda i mira, odnosno interesima bezbjednosti**, te je u opće uvjete za izdavanje odobrenja propisano da se protiv lica ne vodi **istraga**, čime su na taj način precizirani uvjeti za izdavanje odobrenja za nabavljanje oružja.

Član 11. - Propisuje odredbe da će se odobrenje za nabavljanje oružja ili municije i oružni list oduzeti i ako je njihovo posjedovanje u suprotnosti sa interesima javnog reda i mira, odnosno interesima bezbjednosti.

Član 12. - Propisuje da se lovačko i sportsko oružje može davati na poslugu fizičkom licu koje ima oružni list za tu vrstu oružja a vazdušno oružje se može davati fizičkom licu koje je član sportske streljačke organizacije koje je registrovano na Kantonu Sarajevo. Ovim izmjenama precizirano je kome se može davati vazdušno oružje obzirom da za vazdušno oružje nije potrebno odobrenje, odnosno oružni list.

Član 13. - Iz razloga ekonomičnosti, propisano je da će se dotrajalo oružje uništiti.

Član 14. - Propisuje brisanje stava (2) iz razloga što ovim Zakonom su brisane odredbe da je za trofejno i staro oružje bilo potrebno odobrenje.

Član 15. - Razlozi navedeni u prethodnom članu.

Član 16. - Propisuje da se prometom oružja i municije na malo mogu baviti pravna lica kod kojih je promet oružja i municije registrovan kao jedna od djelatnosti kojom se bave **u skladu sa zakonom**. Važećim Zakonom je do sada je bila propisana odredba **uz odobrenje nadležnog organa**.

Član 17. - Precizira prodaju municije za vazdušno oružje obzirom da za vazdušno oružje nije potrebno odobrenje, odnosno oružni list.

Član 18. - Propisuje novi dio: "DIO ŠESTI- CIVILNA STRELIŠTA" u kojem su u odredbama čl. 49a., 49b., 49c. i 49d. propisani uslovi za osnivanje civilnih strelišta, kao i propis o uslovima za osnivanje civilnog strelišta, način utvrđivanju uslova i sastav posebne komisije koja će utvrditi postojanje uslova za osnivanje civilnog strelišta i vršenja nadzora nad njim, upotrebu oružja na civilnim strelištima, nabavku oružja i municije za potrebe civilnog strelišta i primjenu odredaba ovog Zakona na civilna strelišta. Važno je istaći da dosadašnje odredbe nisu propisivale civilna strelišta.

Član 19. - Članom 19. dosadašnji dio šesti, sedmi i osmi postali su dijelovi sedmi, osmi i deveti.

Član 20. - Članom 20. propisana je i nadležnost nadzora nad čuvanjem i smještajem **municije** od strane pravnih lica koja se bave prometom oružja i municije kao i nadzor **nad radom civilnih strelišta**.

Član 21. - Članom 21. ukinuta je Komisija za nadzor obzirom da u okviru Uprave policije MUP-a Kantona Sarajevo postoji Odjeljenje za inspekciju, koordinaciju i usmjeravanje koje će umjesto dosadašnje Komisije vršiti nadzor nad provođenjem Zakona. Također navedenim članom detaljnije su propisane nadležnosti nadležne policijske uprave, odnosno ovlaštenog lica u vršenju nadzora.

Čl. 22. i 23. - Za razliku od važećeg Zakona propisuje kao krivično djelo ko bez odobrenja nabavi, drži ili nosi vatreno oružje kada je za nabavljanje tog oružja potrebno odobrenje, ko proda vatreno oružje pravnom ili fizičkom licu koji nemaju odobrenje za tu vrstu oružja i ko drugom da pištolj ili revolver na poslugu ili ko da na poslugu lovačko oružje ili sportsko oružje licu koje za tu vrstu oružja nema oružni list, te je stavom (2) propisana klavifikatorna okolnost ko to učini na javnom mjestu. Također odredbe koje su predstavljale krivično djelo, a odnosile su se na, nabavljanje, držanje i nošenje dijelova za oružje i nabavljanje, držanje i

nošenje municije, kao i davanje i prodaju istih drugom ovim Zakonom nisu propisane kao krivično djelo već su u odredbama člana 23. ovog Zakona propisane kao prekršaj.

Čl. 24. i 25. - Izvršeno je usklađivanje prekršaja sa izmjenama ovog Zakona.

Član 26. - Propisuje novi član 57a. koji utvrđuje izdavanje odobrenja i registraciju oružja i municije koji su dodijeljeni po osnovu odluke o nagradivanju ili dodijeljeni prilikom odlaska u mirovinu, kao i za oružje i municiju za koje se može dokazati porijeklo.

Član 27. - Produžava rok za zamjenu starih oružnih listova na 30.06.2014. godine.

Član 28. - Propisuje rješavanje predmeta u radu i ovlašćenje Zakonodavno-pravnoj Komisiji Skupštine Kantona Sarajevo da utvrdi prečišćeni tekst Zakona.

Član 29. - Propisuje stupanje na snagu ovog Zakona.

Potrebna finansijska sredstva

Za provođenje ovog Zakona nije potrebno obezbjediti dodatna finansijska sredstva u Budžetu Kantona Sarajevo.